

Անդրանիկ Կարապետեան

Պատկերաւորութիւնը, արտայայտչականութիւնը եւ յուզականութիւնը գեղարուեստական խօսքում ապահովում են լեզուական որոշակի միջոցների ու հնարանքների, լեզուալորինուածքային տարբեր ձեւերի գործադրումով, որոնց շարքում խիստ կարեւորում է կրկնութիւնն իր տարաբնոյթ դրսեւորումներով: Կրկնութիւնը լեզուի արտայայտչական չհնացող միջոց է, որը գեղարուեստական խօսքում, մանաւանդ չափածոյում, հսկայական դեր է կատարում՝ ապահովելով պատումի ցանկալի ներգործութիւնը: Կրկնուող լեզուամիաւորը, որպէս կանոն, դառնում է ասոյթի իմաստի եւ յուզարտայայտչական լարուածութեան կրողը, նպաստում է խօսքի հնչիւնական ներդաշնակութեանը, կշռոյթի ու չափի ուժեղացմանը, յաճախ էլ խօսքի մէջ ներմուծում է երաժշտութեան տարրեր: Կրկնաբերական տարածուած արտայայտչամիջոցներից մէկը վերջոյթն է:

Վերջոյթը յարակրկնութեան հակառակ բանադարձումն է, որը դրսեւորում է բանաստեղծութեան կից տողերի վերջում նոյն բառի կամ բառակապակցութեան, երբեմն էլ նախադասութեան կրկնութեամբ: Դասական ճարտասանութեան մէջ այս արտայայտչամիջոցը կրել է վերադարձում, դարձում անուանումները: Յարակրկնութեան դրսեւորման ծաւալն ու հնարաւորութիւնները չունենալով հանդերձ՝ վերջոյթն էլ նպաստում է չափածոյ խօսքի կշռոյթի եւ արտայայտչականութեան ապահովմանը, յուզական ներգործութեան ուժեղացմանը:

Խիստ բնորոշ լինելով չափածոյին՝ վերջոյթը սակաւադէպ արտայայտում է նաեւ արձակ խօսքում, երբ վերջինս դրսե-

ւորում է կշռոյթաւոր ու չափական երեւալու միտում, իսկ նմանատիպ խօսքի կառուցումը գրողից պահանջում է մի առանձին վարպետութիւն: Արձակ խօսքում վերջոյթը հանդէս է գալիս մասնաւորապէս հետեւեալ դէպքերում.

ա) երբ բարդ նախադասութեան բաղադրիչները վերջանում են նոյն բառով կամ բառակապակցութեամբ. ինչպէս՝

«Երթամ հողիկս, աշխարքի հետ չեմ փոխի հողիկս. ամէնից մեծ թագաւորութիւնն է հողիկս» (ԱԻ, 4, 482):

բ) երբ կրկնում են խօսք կազմող ինքնուրոյն նախադասութիւնների վերջին բառերը. ինչպէս՝

«Արշակը իր խոր աչքերը դարձրեց Գարեգինին եւ աղաչական Ապեց Արամ: Գարեգինը եւս Ապեց Արամ: Այլեւս անհնար էր Ապեյ» (ԴԴՎ, 618):

Այս ամէնով հանդերձ՝ վերջոյթը մնում է որպէս չափածոյի յատկանիշ ու առանձնայատկութիւն եւ այստեղ երեւան է հանում դրսեւորման տարբեր իւրայատկութիւններ՝ միշտ ծառայելով խօսքի գեղագիտական պահանջներին:

Մենք վերջոյթի արտայայտութեան ձեւերը տարբերակում ենք կրկնութեան շարքի անդամների շարահիւսական գործառոյթի հիմքով՝ հաշուի առնելով այն հանգամանքը, որ այս կրկնութեան շատ իւրայատկութիւններ պայմանաւորուած են լինում հէնց կրկնուող լեզուամիաւորների շարահիւսական կիրառութիւններով: Ըստ շարահիւսական գործառոյթի տարբերակում են վերջոյթի հետեւեալ տեսակները՝ ենթացական վերջոյթ, ստորագեալ վերջոյթ, գոյականական անդամի լրացում (որոշիչ,

յատկացուցիչ) վերջոյթ, բայական անդամի լրացում (խնդիր, պարագայ) վերջոյթ, նախադասութեան յարակից միաւոր վերջոյթ, նախադասութիւն վերջոյթ եւ այլն: Միանց տարբերակուած քննութիւնն անհրաժեշտ է հարցն իր համակարգային ամբողջականութեան մէջ ներկայացնելու համար:

ա. ԵՆԹԱԿԱՅ ՎԵՐՋՈՅԹ

Ենթակայ վերջոյթը, որը ստորագեալ վերջոյթի համեմատութեամբ աւելի սակաւ է հանդիպում, երեւան է գալիս այն ժամանակ, երբ չափածոյ խօսքը շրջուն շարադասութեամբ բարդ նախադասութիւն է, եւ տրամաբանական շեշտի պահանջով ենթական հեռացած է տողավերջ ու միւս տողերի նոյն դիրքում կրկնում է, իսկ ստորագեալները միւս անդամներով փոխադրուած են բանաստեղծի առաջին մասը: Հարեւան տողերի վերջում ենթակայի համաչափ կրկնութիւնն ապահովում է բանաստեղծութեան չափն ու կշռոյթային ներդաշնակութիւնը: Այսպէս՝

«Մի՛ տրտնջայ ցաւիդ համար - սիրոյ առատ աղբիւր է ան,

Մի՛ ափսոսայ մեղքիդ համար - սիրտը մաքրող սուրբ հուր է ան.

Թ՛է սէրն անցնի՝ մի մորմոքայ - կը մնայ յուշ՝ մաքուր է ան,

Սիրտըդ թող միշտ խնդայ կամ լայ - մահ է մթնն, երբ լուռ է ան» (ՎՏԲ, 401):

Քառատող տան մէջ դերանուն ենթական կազմում է նաեւ միջարկուած վերջոյթ, երբ խօսքը բաղադրուած է երկու բարդ ստորադասական նախադասութիւններից, որոնց ստորադաս բաղադրիչները գրաւում են 1-ին եւ 3-րդ տողերը, իսկ յետադաս գլխաւորները՝ 2-րդ եւ 4-րդ տողերը, որոնց վերջում էլ ընդհանուր ենթական կրկնում է՝ շեշտելով գործողի դէմքը. ինչպէս՝

«Թ՛է որ մի տեղ եմ գնում,

Մտքով գալիս ես դու,
Հոգուս թէ ամպ է իջնում,
Թաքում լալիս ես դու» (ԳՍԲՊ, 30):

Ութտողանի բանաստեղծական տան մէջ դերանուն ենթական կրկնում է համաչափ ընդհատումներով՝ 2-րդ, 4-րդ եւ 8-րդ տողերի վերջում՝ ապահովելով կշռոյթային ներդաշնակութիւնը ամբողջ խօսքի շղթայում. ինչպէս՝

«Սեւանի կապոյտ ջրերը,
Նոր կեանքի ալիքն եք դուք,
Դարձել էք արտ, այգիներ,
Բերքառատ բարիքն էք դուք.
Որքան էլ գաք ու գընանք՝
Մեր սրտում յար լիքն էք դուք,
Մեր երկրի լուսավարար
Ծողշողում գալիքն էք դուք» (ԳՍԲՊ, 151):

Ոչ տնային կառուցուածք ունեցող ընդարձակ բանաստեղծութեան մէջ գոյական ենթական դրսեւորում է վերջոյթային կրկնութեան շարքը ձգելու միտում: Այս դէպքում ենթակայի տողավերջային կրկնութեան նպատակը թեմայի ընդլայնումն է գործող առարկայի մասին նորանոր մանրամասներ, նրա նորանոր յատկանիշներ ի յայտ բերելու ճանապարհով, որպիսի պայմաններում ենթակայի կրկնութիւնը դառնում է նաեւ իրավիճակային գործածութիւն: Բացի այդ, խօսքի ընդհատումը կանխելու եւ նրան նոր լիցք հաղորդելու համար յաճախ բանաստեղծութեան միջնամասում կրկնում է առաջին բանաստեղծը՝ դառնալով յենարան խօսքի շղթան շարունակելու համար: Այսպէս՝

Ի՞նչ է ուզում իմձնից
Այս կատաղած քամից,
Այս ծաղրածու քամից,
Լարախաղաց քամից,
Մի մեծ, մի լաւ աշուն

Տարած-թաղած քամին:

Թող գայ, այգուս խշշուն

Խաշամն առնի գնայ,

Փռչակալած, փռչոտ,

Փշաքաղում քամին:

Ի՞նչ է ուզում ինձնից

Թոկից փախած քամին,

Հազար անտառ, հազար

Ձոր յաճախած քամին,

Մի եղեամտ աշուն

Պոչից կախած քամին:

Իմ տան քիս վրայ

Թողած-փախած հալքի

Մի փետուր է մնում,

Թող գայ առնի գնայ,

Ախ, այս ցախանձ քամին,

Խիղճը ծախած քամին (ՀՍՍԲ, 133):

Երբեմն էլ ենթական վերջոյթ է կազմում իր նախադաս յատկացուցչի կամ որոշչի հետ, միայն թէ յատկացուցչի հետ բազմանդամ շարք կազմելու միտում քիչ է դրսևերում. ինչպէս՝

Ի՞նչ Մարիամ էր քո ծնողը, սրբի մայր էր քո ծնողը,

Սրտիս գարնան հետք բերեց նա, լոյս կամար էր քո ծնողը (ԳԱԾ):

Մինչդեռ որոշիչ+ենթական կապակցութիւնը հակուած է կազմելու վերջոյթային կրկնութեան աւելի բազմանդամ շարք: Ծաւալուն բանաստեղծական տան մէջ նման վերջոյթը սովորաբար երեւան է գալիս հաւասար կամ անհասար տողերի միջարկումով՝ ապահովելով իր ազդեցութեան համաչափ տարածումը խօսքի շղթայում. օրինակ՝

Ի՞նչ է ասում ճամփորդներին

Հալուած-մաշուած այս կածանը,

Ժամանակին հազար ու մի

Քայլեր հաշուած այս կածանը,

Անցող-դարձող քարաւանի

Ծանր ու դանդաղ ոտքերի տակ

Մէջքը կոտրած, կուրծքը պատռած,

Յոգնած, տանջուած այս կածանը,

Մեծ աշխարհի մեծածխոր

Մանապարհից հեռու քաշուած,

Յիսուսի պէս ապառաժի

Կողին խաշուած այս կածանը (ՀՍ, 2, 105):

բ. ԱՏՈՐՈՂԵԱԼ ՎԵՐՉՈՅՑ

Ստորագեալ վերջոյթն աւելի յաճախաբէս է եւ բնորոշ է հիմնականում չափածոյ բարդ համադասական նախադասութեանը, որտեղ այն հանդէս է գալիս տարաբնոյթ դրսևերումներով՝ պայմանաւորուած համադասական կապակցութեան բաղադրիչ նախադասութիւնների ենթականների ընդհանուր կամ տարբեր լինելով եւ կառուցուածքային այլեւայլ առանձնայատկութիւններով: Ընդհանուր եւ տարբեր ենթականներով բարդ համադասական նախադասութիւնների մէջ ստորագեալի վերջոյթային կրկնութիւնն ունի տարբեր իրացումներ:

Նախ՝ ընդհանուր ենթականով բարդ համադասական նախադասութեան մէջ ստորագեալ վերջոյթի դրսևերումների մասին: Այստեղ աւելի յաճախ բայ-ստորագեալը կրկնուած է կից բանաստեղծի վերջում՝ նախադաս համասեռ խնդիրները կամ պարագաներն ընդգծելու նպատակով. ինչպէս՝

Արեւին Այոող աչքերն համբուրի,

Սարերին փարուած ամպերն համբուրի,

Քարերին ծաղկած մամուռն համբուրի,

Մեծ ելումուտի այս դուռն համբուրի (ՀՍՍԲ, 33):

Երբեմն էլ քառատողի վերջում հանդէս է գալիս միայն թուարկուող վերջին

ուղիղ խնդիրը, իսկ սրա լրացեալ կրկնորդ ստորագեալը զեղչուած է՝ կիսատ թողնելով բանաստեղծական տողը, բայց շարունակուած է մտովի ուղեկցել իր խնդրին. ինչպէս՝

Մանուկ էին պահում

Եւ տուն էին պահում,

Աշխարհ էին պահում

Ու ժողովուրդ... (ՀՍՍԲ, 215):

Ուղիղ խնդիրների վկայակոչմանը նպատակաուղղուած վերջոյթ ստորագեալները յաճախ բանաստեղծական տան առաջին երեք տողերում արտայայտուած են զուգադրական բայի առաջին բաղադրիչով, իսկ այս բայի երկրորդ բաղադրիչը հանդէս է գալիս միայն չորրորդ տողում՝ փակելով թուարկման շարքը եւ ամփոփելով բանաստեղծական տունը. ինչպէս՝

Հնուսանքներս առնում,

Այս ծանր բեռս առնում,

Բոլոր հոգսերն առնում

Տանում է հետը (ՀՍՍԲ, 57):

Այստեղ առկայ է առնում տանում է զուգադրական պարզ ստորագեալի մասնակի վերջոյթային կրկնութիւն: Ստորագեալ վերջոյթը նախադաս ուղիղ խնդիրների հետ հանդէս է գալիս նաեւ բանաստեղծական այլ տողի կամ տողերի միջարկումով. ինչպէս՝

Երագիս մէջ լիճը տեսայ՝

Ոսկի ալիք ցոլալիս.

Մի տղի հետ յարիս տեսայ՝

Ոսկի անուղ մամ գալիս (ԱԻ, 2, 49):

Կրող խնդիրներն ընդգծելու համար ստորագեալ վերջոյթի անդամները կարող են արտայայտուել միեւնոյն բայի հաստատական ու ժխտական ձևերով. օրինակ՝

Գլխիդ վրայ տէր չունէիր,

Մէջքիդ վրայ բեռ չունէիր,

Սիրտ սպանող սէր չունէիր...

Չգիտէիր մինչեւ անգամ,

Որ մի օր էլ վերջ ունէիր (ՀՍՍԲ, 113):

Կրող խնդիրների ընդգծմանը ծառայող բայական ստորագեալի վերջոյթային կրկնութեան զէպքում ընդհանուր ենթական հանդէս է գալիս նաեւ յետադաս շարադասութեամբ՝ իր լրացման հետ սահմանափակելով ստորագեալի կրկնութեան թուարկման շարքը. ինչպէս՝

Հետը արեւ է բերում,

Կանաչ սարեր է բերում,

Կանաչ դարեր է բերում

Չորզորա գետը (ՀՍՍԲ, 57):

Ընդհանուր ենթական շարադասուած է նաեւ նախավերջին տողում՝ դառնալով կապող օղակ բանաստեղծական տան վերջին եւ նախավերջին տողերի միջեւ. ինչպէս՝

Դեռ արցունքներ ունի,

Դեռ արցունքներ ունի

Ծիծաղի մէջ պահած,

Հողըդ ամէն հողում

Տարագիրներ ունի (ՀՍ, 2, 69):

Քանի որ թուարկուող կրող խնդիրներն ընդգծող ստորագեալ վերջոյթն ուժեղացնում է խօսքի յուզականութիւնն ու մեղեդայնութիւնը, այդ պատճառով էլ այն յաճախ է հանդիպում գուսանական պոէզիայում: Այստեղ ստորագեալ վերջոյթին յաջորդող տողով կատարուած է ընդհանրացում. ինչպէս՝

Յոյս տալով, մօտ չի գալով կեանքանութիւնս մաշեցիր,

Ծատախօս բլրով արիւր, հանդարտ անունս մաշեցիր,

Անիրա՛ւ, մինչ սիրովդ սիրտ ու արիւնս մաշեցիր,

Ուրեմն անհանգստի, անգութ կրակ ես ինձ համար (ՇՏ, 28):

Ստորագեալ վերջոյթը հանդէս է գալիս նաեւ համասեռ պարագայ լրացումները, մանաւանդ ձեւի պարագաները թուարկելու, դրանց բառական նշանակութիւնը կարեւորելու նպատակով. օրինակ՝

- Մայրամուտ, Մասեաց գագաթին
- Խարոյկդ վառած մեռնէի,
- Արեւից, հողից, հողմերից
- Կարօտս առած մեռնէի,
- Իմ վերջին հառաչքի միջից
- Գոհութեան ճիշը բողբոջէր,
- Արտերս, արտերս վարած,

Պարտքերս մարած մեռնէի (ՀՍՍԲ, 121):

Այստեղ մարդկային յոյզերի ու ապրումների խտացումը պայմանաւորուած է ըղձական եղանակի բայ-ստորագեալի միջարկուած վերջոյթային կրկնութեան եւ սրան նախորդող բառերի յարանունական շարքի (վառած-առած-վարած-մարած) հմուտ զուգորդմամբ:

Չափածոյ ընդհանուր ենթակայով բարդ համադասական կապակցութեան մէջ ստորագեալ վերջոյթին երբեմն նախորդում են այլ ստորագեալներ՝ շարահիւսական տուեալ կառոյցը դարձնելով աւելի բազմաբարդ եւ հաղորդումը հարստացնելով իմաստային այլ տարրերով, բայց այս դէպքում էլ բովանդակութեան պլանում իմաստային շեշտադրումը մնում է ստորագեալ վերջոյթի վրայ. ինչպէս՝

Աշխարհիս մէջ ես էլ մէ օր կանգնեմ անդարձ ու կ'երթամ,

Ետ չեմ նայի, չեմ պահանջի ես փառք ու վարձ - ու կ'երթամ (ԵԶ, 1, 244):

Քառեակի ժանրում ստորագեալ վերջոյթը հանդէս է բերում մէկ այլ իւրայատկութիւն. կրկնեալ ստորագեալը միայնակ զբաղեցնում է առաջին տողը՝ կազմելով

կիսատող, ապա իբրեւ թեմայի կրող յաջորդ տողավերջերում հանդէս են գալիս կրկնորդ ստորագեալները. օրինակ՝

Ա՛նց կացա՛ն....

Օրերս թըռան, ա՛նց կացա՛ն.

Այս ու վախով, դարդերով

Սիրտըս կերա՛ն, ա՛նց կացա՛ն (ՅԹԸԵ, 63):

Վերջապէս, թէեւ ոչ պարզ ստորագեալի յաճախականութեամբ, վերջոյթ են կազմում ընդհանուր ենթակայով բարդ համադասական նախադասութեան նաեւ անուանական ստորագեալները: Ընդ որում՝ այս դէպքում էլ անուանական ստորագեալ վերջոյթին կարող են նախադասուել այլ ստորագեալներ. ինչպէս՝

«Մոլորուել եմ, ճամփաներին ծանօթ չեմ,

Բիր լճերին, գետ ու քարին ծանօթ չեմ,

Ես պանդուխտ եմ, էս տեղերին ծանօթ չեմ... (ԱԻ, 1, 356):

Երբեմն էլ վերջոյթ են կազմում անուանական ստորագեալների հանգոյցները՝ զուգորդուելով՝ ստորագեալների յանգաւորմանը. ինչպէս՝

Փոփրած գետակ էիր

Ճահիճների կողքին,

Խոր ծովերի կողքին

Մի պարզ լճակ էիր (ՀՍՍԲ, 243):

Այժմ չափածոյ տարբեր ենթականերով բարդ համադասական կապակցութեան մէջ ստորագեալ վերջոյթի դրսեւորման մասին: Այստեղ ստորագեալ վերջոյթը հանդէս է բերում այլ իւրայատկութիւններ՝ պայմանաւորուած բաղադրիչ նախադասութիւնների կառուցուածքով, ենթակաների ու ստորագեալ վերջոյթի անդամների յարաբերութեամբ, ստորագեալների արտայայտութեամբ, բայական լրացումների շարահասութեամբ եւ այլ հանգամանքներով:

Ակնյայտ է, որ տարբեր ենթականերով բարդ համադասական նախադասութեան մէջ եւս վերջոյթ է կազմում հիմնականում պարզ ստորագեալը: Աւելի յաճախ բանաստեղծական տան իւրաքանչիւր տող մէկ բաղադրիչ նախադասութիւն է, եւ վերջոյթ ստորագեալներին նախորդում են ենթականերն իրենց նախադաս լրացումներով: Այս դէպքում, անշուշտ, ընդգծւում է վերջոյթի անդամների բառական նշանակութիւնը, բայց կարեւորում են նաեւ թուարկուող ենթականերն իրենց բնութագրական լրացումներով. օրինակ՝

Ի՛մ կարօտած սրտի համար ոչ մի ուրիշ հեքիաթ չկայ.

Նարեկացու, Քուչակի պէս լուսապսակ ճակատ չկայ.

Աշխա՛րհ անցի՛ր, Արարատի մման ճերմակ ցազաթ չկայ.

Ինչպէս անհաս փառքի ճամփայ՝ ես իմ Մասիս սա՛րն եմ սիրում (ԵԶՊԲ, 289):

Տարբեր ենթականերն աւելի են ընդգծւում, երբ վերլուծական ժամանակներով արտայայտուած վերջոյթ ստորագեալները հանդէս են գալիս իրենց բաղադրիչների շրջուն շարահասութեամբ. օրինակ՝

Ամէն մի վազի նախշուն ողկոյզին մատներն են կպել,

Թիւշու ճիւղերին, կանաչ տերեւին վարսերն են կպել,

Իմ այգում թուփ-թուփ, իր ծաղկայ ծուփ-ծուփ շորերն են կպել... (ԳԱԾ, 169):

Նման կառուցուածքում պարզ ստորագեալը կազմում է նաեւ միջարկուող վերջոյթ, երբ կրկնութեան շարքը ընդհատուած է մէկ այլ տողով. ինչպէս՝

Եւ հիմա ո՞րք եմ եւ ի՞նչ...

Ինձ յիշող ու լացող չկայ,

Իմ առաջ էլ դուռ չի բացում,

Եւ դուս էլ բացող չկայ (ՀՍՍԲ, 233):

Շատ յաճախ միջարկուող վերջոյթին նախադասուած են յարանուն բառեր, որոնք ստեղծում են իւրատիպ բառախաղ եւ նաեւ իրենց ներքին յանգաւորմամբ նպաստում են բանաստեղծական չափի ու կշռոյթի ներդաշնակութեան ապահովմանը: Այսպէս՝

Գարուն էր... սիրտս գնաց,

Բարձունքից-բարձունք ընկաւ,

Ոտքիս տակ, ամէն քայլիս,

Մանկութեան մասունք ընկաւ...

Վեր թռայ ինչ-որ կանչից,

Տառապած բարձիս վրայ

Աչքիցըս իրե՛ն-իրե՛ն

Մի կաթիլ արցունք ընկաւ (ՀՍՍԲ, 101):

Բառախաղը երբեմն էլ ապահովում է երկու տարբեր համահունչ վերջոյթների համադրումով, եւ այս դէպքում էական դեր է խաղում նաեւ բանաստեղծութեան ներքին յանգաւորումը. ինչպէս՝

Երկինքը մօտ է գալիս,

Ոտքը շաղտոտ է գալիս,

Քարափների քիւրից

Քարայծի հօտ է գալիս,

Սուրբ հացի հոտ է գալիս,

Երդիկներից հորափոտ...

Բացուէ՛ք, աչքեր, մի տեսէք՝

Ի՛նչ առաւօտ է գալիս (ՀՍԴԾ, 113):

Այստեղ առկայ է մէկ լիակատար վերջոյթային զոյգ (հօտ է գալիս - հոտ է գալիս) եւ մէկ մասնակի վերջոյթային զոյգ (մօտ է գալիս - (չա)ղտոտ է գալիս - (առա)ւօտ է գալիս): Աւելացնենք, որ մօտ, շաղտոտ, հօտ, հոտ եւ առաւօտ բառերի օտ հնչիւնակապակցութեամբ ներքին յանգաւորումը ստորագեալների վերջոյթային կրկնութիւնը որոշ չափով դարձնում է լիակատար:

Երբ վերջոյթ ստորագեալներն ունենում են համասեռ լրացումներ, դրանք

անմիջապէս նախորդում են իրենց լրացեալներին, իսկ ենթականերն իրենց լրացումներով շարակարգուած են նախորդ բանատողերում: Արդիւնքում՝ ստանում ենք միջարկուած ստորագեալ վերջոյթ՝ համասեռ խնդիր լրացումների ընդգծումով. ինչպէս՝

Քո լալագար, ծիծղում ծաղկումք

Իմ վարդ-սերէն բոյր կ'ստանիմ:

Չառ Մանթաշի թել ու թոչումք

Իմ բլրուէն ձեն կ'ստանիմ,

Հէյ ջա'ն, հա ջա'ն, ցողն ու ակումք

Սրտիս խորքէն ծիւն կ'ստանիմ (ԱԻ, 2, 20):

Ստորագեալ վերջոյթը երեւան է գալիս նաեւ բայական անդամի անհամասեռ պարագայ (տեղի ու ձեւի եւ այլն) լրացումներն ընդգծելու նպատակով. ինչպէս՝

Իմ սիրածը ինձ թողեց ո'ւր գնաց,

Անխօս, անծախս գնաց, լո'ւն գնաց,

Կարծում էի, թէ գարնան հետ կը գայ,

Գարունն իմ սիրոյ, ափսոս, գոյր գնաց (ԳՍԲՊ, 85):

Պարզ ստորագեալի միջարկուած վերջոյթն արտայայտուած է նաեւ չափածոյ բազմաբարդ համադասական կապակցութեան մէջ՝ բաղադրուած տարբեր կառուցուածքի (համադասական, ստորագասական) նախադասութիւններէ: Վերջոյթի անդամ ստորագեալներին նախադասուած են համասեռ պարագաներ, եւ ամբողջ բանաստեղծութիւնը ենթարկուած է ներքին հատոյթաւորման. ինչպէս՝

Վերջապէս մի օր տեսայ,

Երգերիս մէջ էի լալիս,

Կարծես թէ էլ տեղ չկար,

Ձեռքերիս մէջ էի լալիս:

Որպէսզի ուրախ անցնեն,

Արցունքս չտեսնեն մարդիկ,

Սրտիս մէջ, ցաւերիս մէջ,

Վերքերիս մէջ էի լալիս (ՀՍՍԲ, 233):

Չափածոյ բազմաբարդ համադասական կապակցութեան մէջ երբեմն էլ առաջին երեք տողերում շարակարգուած են տարբեր ենթականեր՝ միեւնոյն ստորագեալ վերջոյթի հետ, ապա յաջորդաբար, առանձին բանատողերով կրկնուած են նոյն ենթակաները, եւ թուարկման շարքը փակուած է ստորագեալ վերջոյթի վերջին անդամի երեւան գալով. ինչպէս՝

Հայ վշտի մասին քարերը կ'ասեն,

Թէ քարը չասի՝ սարերը կ'ասեն,

Թէ սարը չասի՝ դարերը կ'ասեն,

Քարերը,

Սարերը,

Դարերը կ'ասեն,

Մեր մագաղաթեայ լարերը կ'ասեն (ՅԾ, 3, 165):

Ընդհանրապէս, վերջոյթային կրկնութեան բազմանդամ շարքը չի խրախուսուած. այն որոշ չափով խօսքը դարձնում է ճապող, միապաղաղ եւ անյոյզ: Բայց ոճական այս հնարանքի վարպետօրէն կիրառումը յաճախ ոչ միայն չի ունենում նշուած անցանկալի հետեւանքները, այլեւ խօսքը դարձնում է արուեստաւոր եւ յուզական: Կրկին դիմենք Հ. Սահեանին, որը այնքան յաճախ է կիրառում ստորագեալի բազմանդամ վերջոյթային կրկնութիւնը.

Քնածին ո'ւր ես ասում,

Մի արթունի ասա...

Սահեանն է այս հողի տակ,

Վնաս չունի, ասա:

Եկել ես, անց ես կենում

Գերեզմանի մօտով,

Մի հայրէն ասա՝ լսի,

Մի անտունի ասա:

Որքան էլ սիրտը այրել

Ու խորովել, ասա,

Իր բախտից ոչ մի անգամ

Չի խոտվել, ասա:

Անցնելիս ոտքդ կախիր,

Ուրիշ կտակ չունէր,

Մի «Կոունկ» ասա՝ լսի

Մի հորովել ասա (ՀՍՍԲ, 107):

Չափածոյ տարբեր ենթականերով բարդ համադասական նախադասութեան մէջ վերջոյթ է կազմում նաեւ անուանական ստորագեալը, երբ հեղինակը մի կողմից՝ լեզուաոճական նկատառումով որոշակի պարբերականութեամբ կրկնում է միեւնոյն ստորագային յատկանիշը, միւս կողմից՝ դրան հակադրում կամ համադրում է մէկ այլ ենթակայի ու վերջինիս ստորագային յատկանիշի եզրը. օրինակ՝

-Սիրելի'ս, մի հատիկս ես,

Աշխարքի մէջ մի հատիկ ես,

Ես մեռնիմ - քեզի մատաղ,

Դուն ծաղկի'ր- մի հատիկ ես (ԱԻ, 2, 37):

Երբեմն էլ բարդ համադասական կապակցութեան իւրաքանչիւր բաղադրիչ նախադասութիւն ունենում է իր առանձին ենթական, եւ ստորագեալ վերջոյթի ամէն մի անգամ յարաբերում է այդ ենթականերից մէկին: Այսինքն՝ թուարկուող տարբեր ենթականերին վերագրում է նոյն յատկանիշը: Գործող առարկաները շեշտելու համար ստորագեալ վերջոյթի հանգոյցը հանդէս է գալիս նախադաս շարադասութեամբ: Այսպէս՝

Միայն չարն է ուրիշ,

Քաղքեանն է ուրիշ,

Աչքածակն է ուրիշ:

Պորտաբոյժը, յոռին,

Անասակն է ուրիշ,

Ինքն իրենից փախած

Խեղկատակն է ուրիշ (ՀՍՍԲ, 242):

Անուանական ստորագեալի մասնակի վերջոյթ կարելի է դիտել ձեւական դիմաւոր անուանական միակազմ նախադասութիւններից բաղադրուած համադասական կապակցութեան մէջ անուանական ստորագեալների հանգոյցի տողավերջայ կրկնութիւնը. ինչպէս՝

Ամառ է,

Արտ է,

Ու լուսաբաց է... (ՎԴԱՄ, 136):

Ինչ վերաբերում է չափածոյ բարդ ստորագասական կապակցութեան մէջ ստորագեալ վերջոյթի դրսեւորմանը, ապա պէտք է նշել, որ այստեղ այն անհամեմատ քիչ է հանդիպում: Ընդհանրապէս կապակցութեան ստորագասական ձեւը համադասականի համեմատութեամբ պակաս կը յայտնուի: Հիմնականում սրանով է բացատրուած չափածոյ բարդ ստորագասական նախադասութեան մէջ վերջոյթի, այդ թւում եւ ստորագեալ վերջոյթի, սակաւադէպ հանդէս գալը: Երբեմն ստորագասական նախադասութիւնը բաղադրուած է չափածոյ անհամաչափ տողերով, եւ գլխաւոր նախադասութիւնն ունենում է առաջադաս պայմանի պարագայ երկրորդական նախադասութիւն ու յետագաս համաստորագաս նպատակի պարագայ երկրորդական նախադասութիւններ՝ ստորագեալ վերջոյթով: Այս վերջոյթի անդամներն իրարից հեռացած են միջարկուող տողերով, եւ նրանց ցրուածութիւնը յաղթահարելու ու կապն ապահովելու նպատակով կրկնուող ստորագեալը հանդէս է գալիս նաեւ վերջոյթը միջարկող տողամիջում՝ դառնալով յենարան խօսքի ծաւալումը շարունակելու եւ նաեւ վերջոյթի ծայրանդամները միմեանց կապելու համար. ինչպէս՝

Թէ խելքս գլխիս լինէր եմ գլխից,

Ողորմած Աստուած, դեռ մօրս գրկից

Քեզ կ'աղօթէի,

Որ դու այս մի բուռ շնորհքի տեղակ
Ինձ մի քանի բեռ բթութիւն տայիր,
Որ ձեւեր տայիր դու խորքի տեղակ
Եւ լոյսի տեղակ

Հոգուս մի մամոտս մթութիւն տայիր
(ՀՍԲԵ, 149):

Յաճախ միեւնոյն բանաստեղծական
խօսքում ներդաշնակուում են բայական ու
անուանական ստորոգեալ վերջոյթները եւ
տարաբնոյթ ներքին յանգաւորումները՝
ստեղծելով նրբահիւս ու նպատակադիր
խօսք: Այսպէս՝ դիտարկենք գուսան Աշո-
տի հետեւեալ ստեղծագործութիւնը.

Ո՛վ ժողովո՛ւրդ, իմ ծնողը դո՛ւ ես, դո՛ւ
Ինձ կեանք տուող, ինձ սնողը դո՛ւ ես, դո՛ւ:
Քո շէն այգում ես մի տերեւ՝ անցողիկ,
Ինձ փայփայողդ, ինձ պահողը դո՛ւ ես, դո՛ւ:
Ինչ ինձ տուիր, հագար էդքան թէ քեզ տամ,
Քիչ է դարձեալ, իմ սուրբ մայրը դո՛ւ ես,
դո՛ւ:
Ես առանց քեզ ուրախութիւն, սէր չունեմ,
Քեզմից բացի ուրիշ հալալ տէր չունեմ,
Աշխարհ գիտի, որ ես հէր ու մէր չունեմ,
Իմ հէրն ու մէր, իմ ծնողը դո՛ւ ես, դո՛ւ:
Ինչ ինձ տուիր, հագար էդքան թէ տամ
քեզ,
Քիչ է դարձեալ, իմ սուրբ մայրը դո՛ւ ես,
դո՛ւ... (ԳԱԳՍ, 106):

Այստեղ ամէնից առաջ աչքի է զարն-
ուում 1-ին բանատան անուանական ստոր-
ոգեալ երկարք վերջոյթը՝ դու ստորոգե-
լի տողավերջայ կրկնութեամբ ձեւաւոր-
ուած. կրկնեալ ստորոգեալն արտայայ-
տուել է ամբողջովին, իսկ կրկնորդը՝ հան-
գոյցի գեղջուժով: Գուսանը ստեղծել է
բազմաշարք թէ՛ հակակրկնական եւ թէ՛
վերջոյթային շարքեր: Նման շարքերով
չափածոյ խօսք կառուցելը նրա լեզուաո-
ճական իւրայատկութիւններից մեկն է:

Երկարք վերջոյթին զուգորդուել են եր-
կու տիպի ներքին յանգաւորումները՝ կից-
տողեայ կամ ուղղահայեաց երկարք
(տուող-փայփայողն, ծնողը-սնողը-պահողը)
եւ մէկտողեայ կամ հորիզոնական (տուող-
սնողը, փայփայողն-պահողը) յանգերը:

Երկրորդ բանատանն էլ բայական
պարզ ստորոգեալ վերջոյթին (չունեմ-չու-
նեմ-չունեմ) ներդաշնակուում է սէր, տէր,
հէր, մէր յարանուն բառերի կազմած կից-
տողեայ ներքին յանգաւորումը (այս բա-
ռերը կազմում են մէկ ոչ ճշգրիտ յանգ,
իսկ նրանց մէջ եր-ի կրկնութիւնը՝ մէկ
ճշգրիտ յանգ): Աւելացնենք, որ առաջին
բանատան մէջ շեշտուում է կրկնուող ստոր-
ոգեալին՝ 2-րդ դէմքը ընդգծելու նպատա-
կով, իսկ 2-րդ բանատան մէջ՝ կրկնուող
ստորոգեալի կրող խնդիր լրացումները:

Կրկնութեան արտայայտած յուզար-
տայայտչականութիւնը, ժողովուրդ-ստեղ-
ծագործող անհատ օրգանական կապն ա-
ւելի է խորացնում երկտողեայ կրկնբարդ,
որի 2-րդ տողավերջում կրկնուող անուա-
նական ստորոգեալը 1-ին բանատան նոյն
միաւորի հետ կազմում է մէկ վերջոյթ՝ ա-
պահովելով ողջ խօսքաշղթայում 2-րդ
դէմքի ընդգծումը՝ մայր ժողովրդի դերի
կարեւորումը:

Վերջապէս, եթէ վերջոյթներն էլ դի-
տում ենք որպէս կրկնաբերական յանգեր,
ստացուում է, որ ամբողջ բանաստեղծու-
թիւն-երգը կառուցուած է արտաքին
կրկնաբերական յանգեր-վերջոյթների ու
ներքին յանգերի եւ կրկնբարդի նուրբ ու
ներդաշնակ զուգորդումների վրայ: Եւ
այդ ստեղծագործութիւնը բարձրարժէք
բանաստեղծութիւն է եւ նոյնքան բարձ-
րարժէք երգ հէնց շնորհիւ կրկնաբերու-
թեան յիշեալ ձեւերի արուեստաւոր զու-
գորդումների, որոնք ծառայում են խօսքի
հնչիւնական հարստութեան ու կշռութա-
յին ներդաշնակութեան եւ նրա չափաբե-
րական ընթացքի ապահովմանը:

գ. ԵՆԹԱԿԱՅ ԵՒ ՍՏՈՐՈԳԵԱԼ
ՎԵՐՁՈՅԹ

Վերջոյթի մէկ այլ տեսակ է տողա-
վերջերում ենթակայի ու ստորոգեալի
միաժամանակեայ կրկնութիւնը: Այս դէպ-
քում վերջոյթ է կազմում ենթակայ+ստորո-
գեալ կապակցութիւնը: Նման վերջոյթը
դրսեւորում է այլ իւրայատկութիւններ՝
պայմանաւորուած ենթակայի ու ստորո-
գեալի շարադասութեամբ, բանաստեղծա-
կան տողերի ներքին համահնչիւնութեամբ
եւ այլ հանգամանքներով:

Աւելի յաճախ ենթակայ+ստորոգեալ
վերջոյթն արտայայտուում է գլխաւոր ան-
դամների սովորական շարադասութեամբ:
Վերջոյթին նախադասուում են ուղիղ
խնդիրները, որոնք իրենց համահնչոււն
վերջաւորութեամբ ներքին յանգ են կազ-
մում՝ աւելի ներդաշնակ դարձնելով կշռոյ-
թը: Տրամաբանական շեշտը ընկնում է
թուարկուող ուղիղ խնդիրների վրայ. ինչ-
պէս՝

Սէրս լացող աստղի քոյրը ես կ'ուզեմ,
Սիրուց էլ վեր անշէջ հուրը ես կ'ուզեմ,
Անմահական այս աղբիւրը ես կ'ուզեմ,
Որ համբոյրից չմոխրանամ անընկեր (ՅԾ,
3, 80):

Այստեղ բայական անդամի շեշտուող
համասեռ լրացումներն արտայայտուում են
նաեւ տարբեր բառերով՝ իրենց յանգաւոր-
մամբ ձուլուելով ստորոգեալ+ենթակայ
վերջոյթին: Այսպէս՝ հետեւեալ օրինակում
վերջոյթը երեւան է գալիս պատճառի պա-
րագաների ընդգծման նպատակով.

Առատ, անյայտ՝ Աստծու անմահ՝ միշտ տե-
ղալուց յոգնել եմ ես.
Հոգիս ծարաւ՝ սրբան-անսրբան մշտիկ տա-
լուց յոգնել եմ ես.
Մի՞նչ պիտի գար իմ դէմը՝ ճոխ ու շրտալ
անհաշիւ,

Ամէն ճամփում ըսպասելուց ու փրճարելուց
յոգնել եմ ես (ՅԹԸԵ, 73):

Նման կառուցուածքը յաճախ յատկո-
րուում է երկու զուգորդուող վերջոյթնե-
րի իմաստային հակադրութեամբ. ստորո-
գեալ+ենթակայ վերջոյթի անդամ տողերը
միջարկուում են մէկ այլ ստորոգեալ վեր-
ջոյթ կազմող տողերով, երբ այս վերջին
ստորոգեալն իր լրացումներով բառային
կամ խօսքային հակաշեշտութիւն է կազմում
հիմնական վերջոյթ ստորոգեալների ու
սրանց լրացումների հետ: Այսպէս՝

Տաղով եկաւ,
Ախով գնաց Սայաթ-Նովան.
Երգով եկաւ,
Վերքով գնաց Սայաթ-Նովան.
Սիրով եկաւ,
Սրով գնաց Սայաթ-Նովան.

Միրով մնաց Սայաթ-Նովան (ՅԹԸԵ, 47):

Այստեղ ստորոգեալ+ենթակայ (գնաց
Սայաթ-Նովան) հիմնական վերջոյթից բա-
ցի, առկայ է երկրորդ վերջոյթը՝ յանձին ե-
կաւ ստորոգեալի տողավերջի միջարկուած
կրկնութեան, եւ այս վերջոյթին էլ նախոր-
դում է յանգը (տաղով - երգով): Բերուած
հատուածում առկայ են երկու տարբեր
հակադրութիւններ. հակադրութիւն են
կազմում մի կողմից՝ կրկնուող ստորո-
գեալները (եկաւ-գնաց), միւս կողմից՝ ձեւի
պարագաները (տաղով-ախով, երգով-վերքով,
սրով-սիրով): Ենթակայ, որպէս ընդհանուր
անդամ, դուրս է հակադրութեան ծիրից:

Յաճախ ծաւալուն բանաստեղծու-
թիւնն ամբողջովին կառուցուում է ստորո-
գեալ+ենթակայ կապակցութեան վերջոյթա-
յին կրկնութեան սկզբունքով: Վ. Տէրեանի՝
երկտողեայ եօթ տներից կազմուած «Հրա-
ժեշտի գագեղը» ոճական այս արտայայտ-
չամիջոցի դրսեւորման փայլուն օրինակ է,
միայն այն իւրայատկութեամբ, որ այստեղ
ստորոգեալ+ենթակայ վերջոյթը (ասում եմ

ես) Հեղինակի խօսքն է, որին յաջորդում է մէկ այլ վերջոյթ կազմող ուղղակի խօսքը (մնաս բարով), չնայած Հեղինակն այս տարբերակումը կէտադրութեամբ չի արտայայտել: Այսպէս՝

Ամէն վայրկեան սիրով տրտում ասում եմ ես մնաս բարով.

Բորբ արեւին իմ բոց սրտում ասում եմ ես մնաս բարով:

Մնաց բարով, ասում եմ ես, բոլոր մարդկանց չար ու բարի,

Տանջողդ ու որբ Ադամորդում ասում եմ ես մնաս բարով... (ՎՏԲ, 241):

Երբեմն էլ նման վերջոյթի անդամ ստորոգեալներն ունենում են մասնակի համընկնում. դրանք արտայայտում են այնպիսի յարադիր բայերով, որոնց յարադիրները տարբեր բառեր են (մեծ մասամբ յարանուններ), իսկ յարադրեալը նոյն բառն է: Բառախաղ ստեղծող ստորոգեալների տողավերջեայ նման փոխյաջորդումը կարելի է դիտել որպէս մասնակի վերջոյթօրինակ՝

- Ամպի լեռներ է փոյ տուել քամին,
- Ծիածաններ է կոյ տուել քամին:
- Քամին մի ամբողջ աշուն է տարել,
- Ամբողջ աշխարհ է շուտ տուել քամին:
- Տարել է, տարել. էլ ո՞ր էք ասում.
- Սխալմունքներ է թոյլ տուել քամին (ՀՍՍԲ, 132):

դ. ԱՆԿԱՐԱՍՈՒԹԵԱՆ ԵՐԿՐՈՐԴԱԿԱՆ ԱՆԴԱՍ ՎԵՐՋՈՅԵՐ

Տարբեր յաճախականութեամբ վերջոյթ են կազմում նաեւ երկրորդական անդամները, որոնց բնորոշ է ենթակայ, ու մանաւանդ, ստորոգեալ վերջոյթների համեմատութեամբ աւելի սակաւադէպ հանդէս գալը: Երկրորդական անդամ կամ լրացում վերջոյթներն էլ միատարր չեն եւ ունեն իրենց դրսեւորումները:

1. ԳՈՅԱԿԱՆԱԿԱՆ ԱՆԴԱՍԻ ԼՐԱՅՈՒՄ ՎԵՐՋՈՅԵՐ

Գոյականական անդամի լրացումներին բացայայտիչը, որպէս կանոն, վերջոյթ չի կազմում իր լրացական բնոյթով պայմանաւորուած. բացայայտիչ մեկնական իմաստը չի կարող չափական խօսքում պարբերական կրկնութեամբ հանդէս գալ: Վերջոյթ կազմելու միտում համեմատաբար շատ է դրսեւորում յատկացուցիչը եւ այն էլ հիմնականում չափածոյ բարդ համադասական կապակցութեան մէջ, երբ նոյն յատկացուցիչ լրացում են ունենում համասեռ տարբեր գոյականական անդամներ, եւ հաղորդման նպատակներից մէկը կրկնուած յատկացուցիչները կշռոյթով ու հնչերանգային բաղմբերանգութեամբ ընդգծելն է, մանաւանդ երբ դրանց նախադասում են յարանուն յատկացեալներն՝ իրենց յանգաւորմամբ. ինչպէս՝

- Միտքն է հիմա սէրն աշխարհի,
- Աշխարհակալ տէրն աշխարհի,
- Բեռնակիրն ու բեռն աշխարհի

Եւ աշխարհի ճանապարհը (ՀՍՍԲ, 116):

Այստեղ աշխարհի կրկնորդ յատկացուցիչը, վերջին անգամ տողամէջ փոխադրուելով, փակել է վերջոյթի շարքը: Երբեմն էլ յատկացուցիչ վերջոյթի միջադաս կրկնորդն է արտայայտում տողամիջում կապելով կրկնութեան շարքի նախադաս ու վերջադաս անդամներն իրար. ինչպէս՝

- Գնում էիր, գնո՛ւմ, գնո՛ւմ,
- Չէիր տեսնում ոտքերիդ տակ
- Խարակներն ու խութը աշխարհի,
- Դեռ չէր բախուել քո բախտի հետ
- Այս աշխարհի արատը մեծ,
- Սուտն աշխարհի (ՀՍՔԵ, 114):

Աւելի սակաւադէպ վերջոյթ է կազմում որոշիչը՝ միայնակ կամ իր լրացեալի՝

յատկացուցիչ լրացման հետ, երբ որպէս տարբեր համասեռ գոյականական անդամների լրացում հանդէս է գալիս տողավերջեայ ներդաշնակ կրկնութեամբ. ինչպէս՝

- Ես չը գտայ ոչ մէկին
- Երագներից իմ շքեղ,
- Եւ ոչ մի մարդ, ոչ մի կին՝
- Հերոսներից իմ շքեղ (ՅԹԸԵ, 56):

Այստեղ, քանի որ շքեղ որոշիչ հետ կրկնուել է նաեւ իմ յատկացուցիչը, վերջոյթ են կազմում յատկացուցիչը եւ որոշիչը միաժամանակ:

2. ԲԱՅԱԿԱՆ ԱՆԴԱՍԻ ԼՐԱՅՈՒՄ ՎԵՐՋՈՅԵՐ

Բայական անդամի լրացում վերջոյթները բաժանում են երկու խմբի՝ խնդիր եւ պարագայ վերջոյթներ: Պարագայ վերջոյթը շատ աւելի յաճախադէպ է, եւ նրա ոճական արժէքն էլ մեծ է՝ պայմանաւորուած, այս դէպքում, հեղինակի անձնական վերաբերմունքի եւ պատումի յուզական տարրի գերակայութեամբ, որն աւելի չափական ու կշռոյթաւոր է դարձնում խօսքը: Պարագայ վերջոյթը հանդէս է գալիս գլխաւորապէս չափածոյ բարդ նախադասութիւններում, սակաւադէպ էլ՝ պարզ դասութիւններում, մէջ: Առաջին դէպքում վերջոյթի անդամ պարագաները քերականորէն կապուած են տարբեր, իսկ երկրորդ դէպքում՝ միեւնոյն լրացեալի հետ: Պարագայ վերջոյթները միատարր չեն եւ երբեք աւելի տարբեր փոփոխականներով կից տողավերջերում, առանձին տողերի միջարկումով, կրկնուող ստորոգեալի ուղեկցութեամբ եւ այլ ձեւերով:

Պարագայ վերջոյթն ունի հետեւեալ դրսեւորումները.

- ա) Ժամանակի պարագայ վերջոյթ՝
- Ի՞նչ անեմ: Աչքերս փակեմ,

Անըչեմ... ու բանամ *Աորից*:
Յուշերս հաւաքեմ մէկ-մէկ
Ու մտքով մանկանամ *Աորից*:
Կորչաստի սարսափը հերքեմ,
Յոյսերից շիկանամ *Աորից*...
Հաւատամ մարդուն, աշխարհին,
Մոլորուած չմնամ *Աորից*:
Չգիտեմ՝ ո՞ր եմ հասնելու,
Չգիտեմ՝ ե՞րբ եմ հասնելու...
Ծամփայ է, նստեմ այս քարին,
Ծուռ թաշեմ ու գնամ *Աորից*¹ (ՀՍ, 2, 33):

Կ'ուզեմ հիմի փչէ գունճէ-հարբած ըլիմ մի՛նչէ էգուց,
Ամէն մարդու ընկեր ըլիմ - ու բաց ըլիմ մի՛նչէ էգուց... (ԵՉՊԲ, 286):

բ) Տեղի պարագայ վերջոյթ:
Տեղի պարագան վերջոյթ է կազմում թէ՛ միայնակ եւ թէ՛ այլ անդամի, գլխաւորապէս՝ ստորոգեալի հետ. ինչպէս՝

- Միսած մի տօթ կայ օդում,
- Լուտ մի որոտ կայ օդում,
- Ամպը շրթունք է արել,
- Ամպրոպի հոտ կայ օդում (ՀՍՍԲ, 131):
- Տեղի պարագան վերջոյթ է կազմում նաեւ իր որոշիչ լրացման հետ. ինչպէս՝*
- Էլ ո՞նց անեմ, էլ ի՞նչ անեմ է՞ն բնում,
- Հանգիստ չունեմ, դադար չունեմ է՞ն բռնում:
- Զօրը մեճակ՝ չեմ դիմանում է՞ն բռնում,
- Գիշերն անտակ՝ չի լուսանում է՞ն բռնում,
- Անցած օրերն եկել *Աորից է՞ն բռնում*
- Գէլ եմ դատել, ուտում եմ ի՞նչ է՞ն բռնում:

¹ Չնայած *Աորից* բառը ընդհանրական մակբայ է դիտում, բերում օրինակում հիմնականում ժամանակի իմաստ է արտայայտում եւ ժամանակի պարագայ է:

Էլ չի մընում իմ սըրտիկը *էն բընում*,
Ցառով լիքը, լոյսով լիքը *էն բընում* (ՅԹԸԵ,
46):

զ) Ձեռի պարագայ վերջոյթ՝
Ի՞նչ եղաւ... մենք մեզանցից
Հեռացանք *կամաց-կամաց*,
Մ'էկմէկու յիշել անգամ
Թերացանք *կամաց-կամաց*:
Հոգսերի մարախն արտում
Հնձելու հասկ չթողեց...
Դեռ կարգին ջահել չեղած,
Ծերացանք *կամաց-կամաց* (ՀՍԴԾ, 161):

դ) Չափի պարագայ վերջոյթ՝
Քայլը հնչում է *ան'ն չափով*՝
Սոնա՛...
Կուրծքը շնչում է *ան'ն չափով*՝
Սիրո՛ւն... (ՊՍ, 4, 34):

*Պարագաների Համեմատութեամբ
խնդիրները վերջոյթային կրկնութեամբ ա-
ւելի քիչ են հանդէս գալիս: Խնդիր վեր-
ջոյթի անդամների շեշտադրումը համեմա-
տաբար թոյլ է: Այսպէս՝*

Գետից ափով ջուր տունց ինձ,
Քանի մարդուց լուր տունց ինձ
Եւ ինձանցից ոչի՛նչ, ոչի՛նչ
Չառաւ կածանը (ՀՍԲԵ, 56):

*Այստեղ մատուցման խնդիր վերջոյթի
որոշակի ընդգծումը պայմանաւորուած է
ստորոգեալի կրկնութեամբ: Նմանապէս
խնդիրը վերջոյթ է կազմում նաեւ իրեն
նախադասուող ենթակայի հետ. օրինակ՝*

Ինչքան որ հուր կայ իմ սրտում - բոլորը
քեզ.
Ինչքան կրակ ու վառ խնդում - բոլորը քեզ.

Բոլորը տամ ու նուիրեմ, ինձ ոչ մի հուր
թող չմնայ՝

Դո՛ւ չմրսես ձմռան ցրտում, - բոլորը քեզ
(ԵՉՊԲ, 285):

*Այս նոյն սկզբունքով վերջոյթ խնդ-
րին նախորդում են յարանուն ենթակայնե-
րը՝ ստեղծելով բառախաղ. ինչպէս՝*

Մընացել է բերդը մեզ,
Յաղթանակի երթը մեզ.
Անց են կացել՝ ով կային,

Հիմի կը գայ հերթը մեզ (ՅԹԸԵ, 67):

*Չնայած խնդիրների վերջոյթային
կրկնութիւնը շատ չի խրախուսում, այ-
նուհանդերձ, երբեմն ամբողջ բանաստեղ-
ծութիւնը կառուցւում է խնդիր վերջոյ-
թով, երբ խնդիրը կրկնւում է՝ ամէն ան-
գամ նոր որոշիչ կամ յատկացուցիչ լրա-
ցումներով բնութագրուելու համար: Այս-
պէս՝*

Ա՛յս, ես այս ծեր աշխարհին
Եւ այս ծծկեր աշխարհին,
Այս իմ ու ձեր աշխարհին
Ի՞նչ ասեմ, որ հասկանայ:
Այս վերամբարձ աշխարհին,
Այս փոխադարձ աշխարհին,
Անբանի բարձ աշխարհին
Ի՞նչ ասեմ, որ հասկանայ:
Այս յանցաւոր աշխարհին,
Վաղանցաւոր աշխարհին,
Խեղճ ու հզօր աշխարհին
Ի՞նչ ասեմ, որ հասկանայ... (ՀՍ, 2, 29):

*Այստեղ յանգման խնդիր² վերջոյթին
զուգորդում է բոլոր տները եզրափակող*

² Ոմանք ասացական բայերի տրականով խնդիրը
համարում են հաղորդման խնդիր: Բերուած
օրինակում աշխարհին բառաձեւը կարող ենք
դիտել նաեւ որպէս հաղորդման խնդիր, իսկ
նրա տունեալ կրկնութիւնը՝ հաղորդման խնդիր
վերջոյթ:

*տողի կրկնութիւնը, եւ արդիւնքում ապա-
հովուում է բանաստեղծական չափի ու
կշռոյթի ներդաշնակութիւնը:*

*Խօսքի յուզարտայայտչականութիւնն
աւելի մեծ է ուղիղ խնդիր վերջոյթի դէպ-
քում, մանաւանդ երբ այս վերջոյթով
յատկորոշուող կշռոյթը լիցքաւորուում է
կրկնուող խնդրին նախորդող համահունչ
բառերի յանգաւորմամբ: Ներքին յանգի
ու վերջոյթի նման զուգորդումը խօսքը
դարձնում է ոչ միայն աւելի կշռոյթաւոր,
այլեւ յուզական ու երաժշտական եւ խիստ
ներգործուն: Այսպէս՝*

Ես կը գամ, դուող կը բանաս,
Կընդունես մոլորումս որդուր,
Աշխարհի բոլոր հողմերով,
Հովերով օրորումս որդուր,
Վաստակած ե՛ւ փուշ, ե՛ւ դափնի,
Ցամաքներ ու ծովեր անցած,
Եւ նորից երեխայ դարձած
Ու հացից խոտված որդուր (ՀՍՍԲ, 34):

ե. Նախադասութեան յարակից միաւոր
վերջոյթ

*Չափածոյ խօսքում առանձին մասնա-
ւոր դէպքերում վերջոյթ են կազմում նաեւ
նախադասութեան յարակից միաւորները:
Ընդ որում՝ սրանցից ամենայնաւորեալը
կոչական վերջոյթի գործառումն է, որն
արտայայտուում է տարբեր իրացումներով՝
պայմանաւորուած համատեքստային պայ-
մաններով ու պահանջներով, եւ ամէն ան-
գամ կրկնութեան ոճական արժէքը որոշա-
կիօրէն տարբեր է լինում:*

*Կոչական վերջոյթի ամենատարա-
ծուած ձեւը տողավերջերում միջարկուած
կրկնութիւնն է, երբ բազմաբաղադրիչ
բարդ համադասական կապակցութեան իւ-
րաքանչիւր բաղադրիչի վերջում կոչակա-
նը կրկնւում է՝ շեշտելով իր նշանակեալ
անձի կամ առարկայի դէմքը: Այս դէմքն*

*աւելի է ընդգծուած, երբ կոչականին նա-
խորդում է ճարտասանական հարցումը, եւ
վերջին կրկնորդը յուզական լիցք է կրում.
օրինակ՝*

Ձնից ճերմակ է
Քո թելը, կոռ'նկ,
Սիրտդ ամպի պէս,
Ա՛յս, սեւ է, կոռ'նկ,
Դու գոյգ գնացիր,
Մ'ենակ ես գալիս,
Ո՞ւր է, այս, ո՞ւր է
Քո սերը, կոռ'նկ (ՎԴԱՄ, 211):

*Կոչական վերջոյթի անդամների ընդգ-
ծումը հաւասարաչափ է, երբ կրկնութեանը
զուգորդում է ներքին յանգաւորումը: Այս
դէպքում կշռոյթային համանուագայնու-
թիւնն ապահովուում է ոչ միայն կրկնեալ ու
կրկնորդ կոչականների, այլեւ դրանց նա-
խորդող բառերի ու մնացեալ տողերի մի-
ջեւ. ինչպէս՝*

Քոչաքարում ես վազել եմ
Եղնիկի հետ երագ, Անո՛ւշ,
Չըմրուխտ սարում երագել եմ
Չընաշխարհիկ երագ, Անուշ (ՅԹԸԵ, 58):

*Յաճախ կոչականը վերջոյթ է կազ-
մում իր յատկացուցիչ եւ որոշիչ լրացում-
ների հետ: Որոշիչը մի բանատողում ունե-
նում է ձայնարկութեամբ արտայայտուած
համարժէք եզր: Այսպէս՝*

Էլ ոչ ոքի չեմ հաւատում, Աստուա՛ծ իմ,
Դու մնացիր իմ հէզ սրտում, Աստուա՛ծ իմ,
Վախենում եմ դու էլ, դու էլ ինձ դաւես,
Այրուեմ վշտիս անապատում, Աստուա՛ծ իմ
(ՅԹ, 3, 227):

Կամ՝
Գնա՛ս բարով, ա՛յ ուխտաւոր,
Երանի քեզ, հայ ուխտաւոր... (Յովն. Թու-
մանեան):

Երբեմն էլ կոչական վերջոյթի անդամները ստանում են տարբեր բառակապակցութիւններով արտայայտուած որոշիչ լրացումներ, երբ խօսողը (գրողը) դիմուկ առարկան բնութագրում է՝ նրա տարբեր յատկանիշները վկայակոչելով: Ծաւալուն բնութագրման համար վերջոյթի անդամները հեռանում են իրարից, միջարկուած բնութագրիչ տողերով. օրինակ՝

Ի՞նչ ասեմ, ձեզ ի՞նչ ասեմ,
Իմ անցած-գնացած սէրեր,
Անշունկ, անարձագանք -
Համրացած, խլացած սէրեր,
Եւ էլի սրտիս տաք-տաք
Արցունքով լուացուած սէրեր,
Ինձ այս մեծ տառապանքի

Մատենանում գրանցած սէրեր (ՀՍԴԾ, 159):

Այստեղ կրկնութեան ազդեցութեան դաշտը կրկնեալ եւ կրկնորդ կոչականների միջեւ բաժանուած է գրեթէ հաւասարաչափ: Այլ է վիճակը, երբ վերջոյթի առաջին անդամը՝ կրկնեալ կոչականը, իր լրացումներով գրաւուած է ամբողջ տողը, իսկ կրկնորդը՝ կիսատողը. ինչպէս՝

Չարտասանուած տխուր խօսքեր,
Որ դողում էք անպատասխան,
Ես սիրում եմ, տխուր խօսքեր,

Ձեր թրթիռը կախարդական (ՎՏԲ, 68):

Յաճախ կոչականն իրեն ուղեկցող ձայնարկութեամբ ու լրացումներով վերջոյթ է կազմում ծաւալուն բանաստեղծութեան հատածի 2-րդ մասում՝ իր ներդաշնակ կրկնութեամբ ապահովելով բանաստեղծութեան չափը, կշռոյթն ու յանգաւորումը: Այսպիսի կրկնութիւնն ուժեղացնում է խօսքի քնարականութիւնն ու յուզականութիւնը: Այսպէս՝

Այնպէս պարզ ու խնդազիւ, օ՛, խնդութիւն
Իմ սրտի,

Պարզուցիր իմ երկունքիւ, օ՛, խնդութիւն
Իմ սրտի,

Տուիր խնդում ամէն ինչ եւ մոռացար ինքը
քեզ,

Հիւսած կեանքդ իմ կեանքիւ, օ՛, խնդութիւն
Իմ սրտի,

Ու ցաւերիս ցաւակից, դու խնդութիւն
չտեսար,

Ինքդ խնդում երկնային, օ՛, խնդութիւն իմ
սրտի,

Եղար ինձ քոյր մեղմանոյշ եւ քնքշագիւ սիրունի,

Եղար ինձ մայր կաթոգիւ, օ՛, խնդութիւն իմ
սրտի.

Հաւատարիմ սուրբ ուխտիս՝ եղար խանդոտ
քրմունի,

Վառ պահեցիր իմ հոգիւ, օ՛, խնդութիւն իմ
սրտի.

Քե՛զ օրհնութիւն յաւիտեան, եւ երգ, եւ սէր,
եւ աղօթք... (ՎՏ, 2, 104):

Վերջոյթ կոչականը երբեմն յաջորդ տողավերջում հանդէս է գալիս շարահիւսական այլ կիրառութեամբ՝ ստորագելի գործառոյթով, եւ արդիւնքում ստացւում է շարահիւսական համանունութիւն. ինչպէս՝

Ջրի ափիւ դաղձի ծաղիկ,
Իմ եղեամսոս բախտի ծաղիկ,
Եկ, ուշացած երգերիս մէջ

Քեզ դարձնեմ դրախտի ծաղիկ (ՀՍԴԾ, 5):

Նմանապէս բառը կարող է չափածոյ խօսքի սկզբի տողավերջում կրկնուել՝ որպէս անուանական, անդէմ, միակազմ, բարդ համադասական կապակցութեան բաղադրիչների գերադաս անդամ, իսկ յաջորդ տողերի վերջում՝ որպէս կոչական: Այս դէպքում էլ, չնայած շարահիւսական գործառոյթի տարբերութեանը, սուեալ բառի տողավերջայ բոլոր կրկնութիւնները կազմում են մէկ միասնական վերջոյթ,

որը կարելի է նաեւ անուանել շարահիւսական համանուն վերջոյթ. օրինակ՝

Բեռնամեքենայի թափքում՝ ձիե՛ր,
Վախից կծի՛կ դարձած, դողդողացո՛ղ ձիեր,
Ամէն շրջադարձի ու կեռմանի վրայ
Մե՛զ պէս (մարդո՛ւ՝ մնան) ճկունո՛ղ - թեքունո՛ղ,
Մե՛զ պէս (եւ աւելի՛) զգուշացո՛ղ ձիեր...
Ես ձեզ այդ վիճակից ինչպէ՛ս հանեմ,
ձիե՛ր,
Լացս զսպեմ ու ձեր... ցա՛ւը տանեմ,
ձիե՛ր... (ՊՍ, 2, 42):

Ակնյայտ է, որ կոչական վերջոյթի շղթան երկարելու դէպքում միտքը հակուում է միակազմ նախադասութեամբ դրսեւորուելուն, եւ արդիւնքում ստացւում է կոչական անդէմ, միակազմ նախադասութիւններից կազմուած մի բարդ կառուցուածք, որն, իբրեւ ոճական երեւոյթ, մօտենում է բացառարձութեանը՝ յատկորոշուած կոչականի վերջոյթային կրկնութեամբ: Այսպիսի բարդ համադասական կապակցութիւնը սովորաբար աչքի է ընկնում կոչականի նշանակեալ առարկան բազմակողմանիօրէն բնութագրելու առանձնայատկութեամբ: Այսպէս, օրինակ, Յովհ. Շիրազը մօր ձեռքերի խորհուրդը մեկնելու համար, դիմելով ոճական այս հնարանքի կիրառմանը, հասել է գեղարուեստական մեծ ընդհանրացումների.

Անյոյս իմ տան յոյս ձեռքեր,
Մրոտ ձեռքեր՝ կոյս ձեռքեր,
Մեր օջախը վառ պահող
Մօրս ձեռքեր, յոյս ձեռքեր:
Մեր տան բախտը ջաղացքար՝
Դուք ջաղացիս ջուր, ձեռքեր,
Մեր խրճիթը սուրբ տաճար՝
Դուք խունկ ու մոմ, հուր ձեռքեր:
Ես կորած եմ առանց ձեզ,

Աուր հացիս բոյր ձեռքեր,
Հայոց յոյսի թոնրի պէս
Միշտ ծխացող, լուռ ձեռքեր:
Օրօրեցէք ինձ նորից,
Իմ բարոյի բոյր ձեռքեր,
Հանէք վշտի սեւ ձորից,
Իմ գթութեան քոյր ձեռքեր:
Մեր տան վազան աղբիւրներ,
Մշտաճարաւ, ծոմ ձեռքեր,
Մեր տան բախտի մութի մէջ
Աստուծոյ վառած մոմ, ձեռքեր:
Մանկութիւնից մինչ այսօր՝
Մութ ճամփէքիս յոյս, ձեռքեր,
Ինձ միք թողնի վիրաւոր՝
Աստուածամօր կոյս ձեռքեր:
Թէկուզ ինձ էլ հող դնէք,
Դուք իմ Դարթի հուր ձեռքեր,
Մասիսն անտուն չթողնէք,
Դուք իմ ազգի բիր ձեռքեր... (ԹԾՅՄ, 71-72):

Այստեղ ձեռքեր կոչականին լրացնող շատ որոշիչներ (յոյս, կոյս, լոյս, հուր, բոյր եւ այլն) սուեալ կապակցութիւններում պարզապէս մակդիրներ են, որ գեղարուեստօրէն բնութագրում են իրենց լրացեալի՝ մօր ձեռքերի իմաստն ու խորհուրդը: Բացի այդ, հեղինակը ստեղծել է նաեւ օքսիմորոնային նշանակութեամբ հակադրութիւնների արուեստաւոր խաղ (անյոյս տան յոյս ձեռքեր, մրոտ ձեռքեր <-> յոյս ձեռքեր, վազան աղբիւրներ <-> մշտաճարաւ, ծոմ ձեռքեր, բախտի մութ <-> վառած մոմ եւ այլն):

Նախադասութեան յարակից միակողմանից ձայնարկութիւնները վերջոյթ են կազմում աւելի սակաւազէպ՝ խնդրային յարաբերութեամբ կապուելով կրկնուող ստորագելի հետ. ինչպէս՝

Արածներդ համար երբեք չես ասելու *ախու ասիսու,-*

Չարածներդ համար պիտի ասես *ասիսու,-*
հազա՛ր ասիսու:

Վահագն Տերեանն ասաց - *ասա՛ղ, ինչու՞*
դրի սրտիս կապանք,

Քանի՛ սերեր, քանի՛ հուրեր գուր հանգցրի
- հազա՛ր ասիսու... (ՎՏԲ, 401):

Թէ՛իմաստ բառերից կապերը եւս երբեմն վերջոյթ են կազմում տողավերջերում տարբեր կապի խնդիրների հետ գործածուելիս: Կապ վերջոյթը, որպէս կանոն, լինում է երկանդամ կամ եռանդամ. ինչպէս՝

«Ու գնում էիմ ամառուայ շոգիմ

Տերը հոգսի տակ,

Էշը բեռի տակ

Կըքած երկուսով (ԱԻ, 2, 245):

գ. Նախադասութիւն վերջոյթ

Վերջոյթը չի սահմանափակում միայն նախադասութեան անդամների ու յարակից միաւորների տողավերջայ կրկնութեամբ, այլ երբեմն էլ ձեւաւորում է բանաստղերի հատածի աջ մասում նախադասութեան ներդաշնակ կրկնութեամբ: Եւ քանի որ կրկնում է թէ՛ բարդ նախադասութեան վերջադաս բաղադրիչը եւ թէ՛ ինքնուրոյն նախադասութիւնը, ուստի տարբերակում է նախադասութիւն վերջոյթի երկու տեսակ՝ բաղադրիչ անադասութիւն վերջոյթի եւ ինքնուրոյն անադասութիւն վերջոյթի: Սրանք հանդէս են բերում տարբեր իւրայատկութիւններ՝ պայմանաւորուած չափածոյ խօսքի կառուցուածքային ու ժանրային առանձնայատկութիւններով, կրկնուող շարահիւսական միաւորի արտայայտութեամբ եւ այլ հանգամանքներով:

1. ԲԱՂԱԴՐԻՉ ՆԱԽԱԴԱՍՈՒԹԻՒՆ ՎԵՐՋՈՅԹ

Բաղադրիչ նախադասութիւն վերջոյթը, որն անհամեմատ աւելի շատ է հանդիպում, արտայայտում է բանաստղածական տողերի հատածի կամ հիմնական հատածի աջ կողմում: Հատածը տուեալ դէպքում սահմանն է վերջոյթի անդամների եւ նոյն տողերի ձախակողմեայ հատուածների: Ակնյայտ է, որ վերջոյթի անդամները՝ կրկնուող բաղադրիչ նախադասութիւնները, կազմութեամբ միատարր չեն եւ նախադաս բաղադրիչ նախադասութիւնների հետ կապում են համադասական ու ստորադասական յարաբերութիւններով: Առաւել յաճախադէպ է պարզ բաղադրիչ նախադասութիւն վերջոյթը, երբ հարեւան տողերի երկրորդ մասում պարզ նախադասութիւնը կրկնում է՝ ամէն անգամ շարահիւսական նոյն կամ մի նոր յարաբերութեամբ կապուելով նախադաս բաղադրիչ նախադասութեան հետ: Նման կրկնութիւնն աւելի շատ երեւան է գալիս ուրբայի ժանրում: Եթէ սովորական քառատող տան մէջ աւելի յաճախ յանգաւորում են 1-ին, 2-րդ եւ 4-րդ տողերի վերջնաբառերը, ապա այս դէպքում տողավերջայ արտասանութեան համարժէքութիւնն աւելի մեծ ծաւալով է արտայայտում՝ յանձին քառանկի նշուած երեք տողերի՝ միեւնոյն բաղադրիչ նախադասութեամբ վերջանալու: Այսինքն՝ ուրբայու կրկնուող մասը՝ ռեդիֆը, արտայայտում է նախադասութեամբ: Այստեղ էական նշանակութիւն է ստանում վերջոյթի անդամների եւ նոյն տողերի առաջին մասում շարակարգուած բաղադրիչ նախադասութիւնների շարահիւսական յարաբերութիւնը: Դրանց միջեւ մեծ մասամբ գործառուում են հակասման ու միաւորական յարաբերութիւնները. ինչպէս՝

Ապրում ես, շնչում ես, դու դեռ կաս - բայց
ամէ՛ն վայրկեան դու ա՛յլ ես.

Անցեալ է դառնում քո ներկան - ու ամէ՛ն
վայրկեան դու ա՛յլ ես.

Բայց ներկան քո - հո՛ւնտ է գալիքի՝ մեռնելով
- Աս սնում է գալիքը,

Եւ այսպէս - տեսում ես դու երկար, - ու ամէ՛ն
վայրկեան դու ա՛յլ ես (ԵՉՊԲ, 351):

Այստեղ վերջոյթ նախադասութիւններն իրենց զուգընկեր նախադասութիւնների հետ կապակցուած են բայց եւ ու համադասական շղկապներով: Վերջոյթային կրկնութեամբ յատկորոշուող ուրբային լինում է նաեւ շարայարական կառուցուածքի, եւ այս դէպքում բանաստղերի հատոյթաւորումը նախադաս բաղադրիչ նախադասութիւնների եւ վերջոյթի անդամների միջեւ աւելի ընդգծուած է. օրինակ՝

Հետեւա՛նք ես դու, իմաստո՛ւն,- այս մէկը
դու լա՛ւ իմացիր.

Բայց դո՛ւ էլ ես, դո՛ւ էլ ես ազդում,- այս մէկը
դու լա՛ւ իմացիր.

Դու ուզում ես, որ ազա՞տ լինես.- ուրեմն
հասկացի՛ր ճանապարհը

Եւ փոխի՛ր, որ հաստատ գաս տուն,- այս մէկը
դու լա՛ւ իմացիր (ԵՉՊԲ, 354):

Բաղադրիչ նախադասութիւն վերջոյթն արտայայտում է նաեւ գազելի ժանրում, միայն թէ այստեղ վերջոյթ են կազմում առաջին տան երկու տողերը յաղագում առաջին տան երկու տողերը յորդ տների երկրորդ տողերի հետ միասին: Այս բոլոր տողերը հատոյթաւորում են երկու մասի, եւ հատոյթի անդամները կապում են միաւորական, մակաբերական, հակասման ու այլ յարաբերութիւններով, հակակցում են շղկապով ու շարայարութեամբ: Բերենք կապակցման իւրաքանչիւր տեսակից մէկ օրինակ՝

Դու մօտեցար որպէս քոյր - ու հեռանում ես
ահա.

Աղօթք դարձած, խնկարոյր - դու հեռանում
ես ահա:

Ինչո՞ւ եկար, եւ ինչո՞ւ անըջացար ու չկաս.

Հրածեշտի մի համբոյր - ու հեռանում ես ահա:

Գուցէ սո՛ւտ է սէրը այս - հրածեշտի մի երազ-

Քո՛ւյր, հո՛ղ դարձած հեռաւոր, դու հեռանում ես ահա... (ԵՉՊԲ, 259-260):

Ես աչք չունեմ քո հող-թագիմ, եկ, Ծամիրում,
այս գիշեր,

Ա՛խ, սիրել եմ ուզում կրկիմ, եկ, Ծամիրում,
այս գիշեր,

Ես Արան եմ, Գեղեցիկի հազարերորդ թոռն
եմ թոյխ,

Թէ դեռ վարդ կայ քո շրթունքիմ, եկ, անթառամ,
այս գիշեր... (ԹԾ, 3, 55):

Նմանապէս վերջոյթ է կազմում նաեւ ստորադաս նախադասութիւնը, երբ բանաստղերի երկրորդ մասում կրկնուող կախեալ նախադասութիւնը միեւնոյն ստորադասական յարաբերութեամբ կապում է տողասկզբի բաղադրիչ նախադասութիւնների հետ: Տողահատոյթների երկու մասերի կապակցումը կատարում է ստորադասական շղկապներով: Շարահիւսական նման բազմաբարդ կառուցուածքում վերջոյթի անդամները հիմնականում լինում են նախորդ հաղորդումից բխող հետեւանքի արձանագրում: Նման կրկնութիւնը եւս խիստ բնորոշ է ուրբայու ժանրին, որը տուեալ դէպքում փիլիսոփայական խորհրդածութիւն է արտայայտում կյանքի յաւերժ նորոգման հարցի շուրջ: Կրկին մէջբերենք Չարենցից.

Դու մի օր աչքերդ կը փակես, որ ուրիշը քո
տեղ գոյանայ.

Կը գնաս, կ'անցնես աշխարքից, որ ուրիշը
քո տեղ գոյանայ:

- Այն դո՛ւ ես, իմաստո՛ւն, այն դո՛ւ,- բայց
արդէն դարձած մի ուրիշ.

Հաստատեց, ժխտելով Աս քեզ, որ ուրիշը
քո տեղ գոյանայ (ԵՉՊԲ, 353):

Ամբողջ ասուածը վերաբերում է բարդ նախադասութեան յետադաս պարզ բաղադրիչի կրկնութեամբ կազմուած վերջոյթին: Նոյն սկզբունքով վերջոյթ է կազմում նաեւ բարդ ստորադասական նախադասութիւնը, եւ այս դէպքում, բնականաբար, վերջոյթի ընդգրկման սահմանները շատ աւելի լայն են լինում: Վերջոյթի անդամների եւ դրանց նախադաս բաղադրիչ նախադասութիւնների միջեւ առկայ է համադասական յարաբերութիւնն իր մասնաւոր դրսեւորումներով (միաւորական, հանդիպադրական եւ այլն): Բարդ ստորադասական նախադասութիւն վերջոյթն էլ հիմնականում երեւան է գալիս ուղղակի ժանրում. ինչպէս՝

Ախ, Ասյե՛ք, այդ մարդը, այդ յիմարը.- *Աս տեսնում է լոկ այն, ինչ տեսնում է.*

Հաւատում է Աս, որ սա քար է. *Աս տեսնում է լոկ այն, ինչ տեսնում է.*

Դու ծաղրի՛ր Արամ, իմաստուն. *դու տեսնում ես աճումն ու ընթացքը*

Եւ գիտես, որ ընթացք է աշխարհը,- *Աս տեսնում է լոկ այն, ինչ տեսնում է (ԵԶՊԲ, 353):*

Բաղադրիչ նախադասութիւն վերջոյթի մէկ այլ տեսակ կարելի է համարել բանաստեղծութեան բոլոր տներին՝ միեւնոյն նախադասութեամբ վերջանալը, երբ տուեալ բաղադրիչ նախադասութիւնը որոշակի ներդաշնակութեամբ կրկնուած է հաւասար հեռաւորութեան վրայ: Նման վերջոյթը չափածոյ խօսքում երեւան է գալիս տարբեր փոփոխակներով. կա՛մ բոլոր բանատներն են վերջանում միեւնոյն նախադասութեամբ եւ կա՛մ այդ տների մի մասը: Այսպէս, օրինակ, Վ. Տէրեանի եռատուն «Հրաժեշտի խօսքերից» բանաստեղծութեան 2-րդ եւ 3-րդ տները վերջանում են միեւնոյն նախադասութեամբ.

Իմ ճամփան անվախճան մի գիշեր,

Ինձ շոյող ոչ մի շող չի ժպտայ.-

Հեռացի՛ր, մոռացի՛ր, մի յիշիր,

Ինձ այդպէս, քրոջ պէս մի՛ գթայ...

Յուսաբեկ մութ ու մէգ թող լինի,

Իմ վերեւ թող արեւ չըլսնայ.

Լոկ երկունք, լոկ արցունք թող լինի,

Ինձ այդպէս, քրոջ պէս մի՛ գթայ... (ՎՏԲ, 65):

Այստեղ վերջոյթ կազմող ընդգծուած նախադասութիւնները մի տեսակ ամփոփում են նախորդ տողերի բովանդակութիւնը, ծառայում են մարդկային տրամադրութիւնների ներդաշնակութեան, հոգեպարար հանգստութեան դրսեւորմանը:

Երբեմն էլ եզրափակիչ վերջոյթ են կազմում միեւնոյն բանաստեղծութեան բոլոր տների վերջին տողերը: Սա բաղադրիչ նախադասութիւն վերջոյթի դրսեւորման տարածուած եղանակ է: Այսպէս՝ Տերեանի «Ինքնօրորում» բանաստեղծութեան բոլոր երեք տները վերջանում են «Միբո իմ, հանդարտի՛ր...» տող-նախադասութեամբ» (տե՛ս ՎՏԲ, 111):

Բանաստեղծութեան, այսպէս ասած, տնավերջեայ վերջոյթն ունի դրսեւորման նաեւ այլ ձեւեր: Չարենցը, օրինակ, իր «Մեռած պոէտին» բանաստեղծութեան անհաւասար տողերով կազմուած առաջին երկու տները վերջացնում է «Վերադարձի՛ր, օ, վերադարձի՛ր» նախադասութեամբ, իսկ վերջում՝ երրորդ տնից յետոյ, առանձին գործածում է այն ինքնուրոյն նախադասութեան արժէքով սահմանափակելով վերջոյթի շղթան:

Տնավերջեայ վերջոյթ կազմող նախադասութիւնները կազմութեամբ լինում են ոչ միայն պարզ, ինչպիսին որ բերուած օրինակներն են, այլ նաեւ բարդ՝ լիակատար նոյնականութեամբ կամ բառային մասնակի տարբերութեամբ: Այսպէս՝ Յովհ. Շիրազն իր «Մի կեանք արժէ մի համբոյրը

աղջկայ» բանաստեղծութեան բոլոր չորս տները վերջացնում է միեւնոյն բարդ համադասական նախադասութեամբ՝ ամէն անգամ փոխելով միայն ժամանակի պարագայի արտայայտութիւնը: Տեղի խնայողութեան համար մէջբերում ենք միայն քառատողերի վերջոյթ կազմող տողերը.

...Կի՛ն կը գտնես, բայց մայր երբեք չես գտնի...

...Կի՛ն կը գտնես, բայց մայր *Աորից* չես գտնի...

...Կի՛ն կը գտնես, բայց մայր, *աւա՛ղ*, չես գտնի...

...Կի՛ն կը գտնես, բայց մայր *յաւերժ* չես գտնի...:

Այս վերջոյթում ժամանակի պարագաների փոփոխութեամբ (ներառեալ ձայնարկութեան փոխակերպմամբ) ընդհանուր կրկնուող բովանդակութիւնը հարստացել է իմաստային նոր նրբերանգներով, եւ յաղթաստային նոր նրբերանգներով, եւ յաղթաստային է պատուով միալարութիւնը: Բայց ահա. «Յուշարձան մայրիկիս» ժողովածոյի երկրորդ հրատարակութեան մէջ նոյն բանաստեղծութեան բոլոր չորս տները վերջանում են նոյն տող-նախադասութեամբ՝ Կի՛ն կը գտնես, բայց մայր երբեք չես գտնի (Հմմտ. ՅՇՅՄ, 1-ին հրատ., էջ 62, 2-րդ հրատ., էջ 99): Պատուով ոճական միալարութեան յաղթարձան եւ մարդկային տրամադրութիւնների ներդաշնակ փոփոխութեան ապահովման առումով մենք նախընտրելի ենք համարում սոյն բանաստեղծութեան առաջին տարբերակը:

2. ԻՆԵՆՈՒՐՈՅՆ ՆԱԽԱՂԱՍՈՒԹԻՒՆ ՎԵՐՁՈՅԹ

Չափածոյ խօսքում սակաւադէպ վերջոյթ է կազմում նաեւ ինքնուրոյն նախադասութիւնը, երբ բանաստեղծութեան բոլոր տողերը բաժանուած են երկու հաւասար մասի. տողերի հատածի ձախ կողմում շարակարգուած են տարբեր պարզ նախա-

դասութիւններ, որոնց շարայարութեամբ առանձին-առանձին հանդիպադրուած է միեւնոյն ինքնուրոյն պարզ նախադասութիւնը՝ կազմելով աստիճանական շարահիւսական կրկնութեամբ վերջոյթ: Մեծ վարպետութիւն պահանջող արտայայտչութեան այս ձեւի կիրառմանը դիմում է հիմնականում Հ. Սահեանը: Նրա «Որդիս կը գայ» բանաստեղծութիւնը կառուցուած է այս սկզբունքով:

Յաղթութիւն եկաւ: - *Որդիս կը գայ:*

Զօրքը տուն եկաւ: - *Որդիս կը գայ:*

Հօտից գառ բերեց: - *Որդիս կը գայ:*

Գատը գառ բերեց: - *Որդիս կը գայ:*

Կոունկը չուեց: - *Որդիս կը գայ:*

Պատը ճաք տուեց: - *Որդիս կգայ:*

Մարգը չորացաւ: - *Որդիս կը գայ:*

Մէջքը կորացաւ: - *Որդիս կը գայ:*

Յաւը խորացաւ: - *Որդիս կը գայ:*

Մտաւ անկողին: - *Որդիս կը գայ:*

Փառք տանք յաղթողին, *որդիս կը գայ:*

Դժուար է շնչում: - *Որդիս կը գայ:*

Հոգին էր փչում: - *Որդիս կը գայ:*

Բոլորեց տարին, աչքս վկայ,

Կարդացի՛ք քարին - *«Որդիս կը գայ»* (ՀՍ, 2, 344-345):

Ժամանակի յարահոս ընթացքի մէջ փոխուած է շատ բան, եւ ամէն մի փոփոխութեան հանդէպ նոյնութեամբ կրկնուած է որդեկորոյս մօր հաստատական հաւատը որդու վերադարձի վերաբերեալ: Նախադասութիւն վերջոյթի արուեստաւոր կիրառմամբ բանաստեղծը ներկայացնում է մօր յոյսի ու հաւատի անսասանութիւնը, դրանց դրսեւորումն իրենց շարունակական ընթացքի մէջ:

Ամփոփենք: Վերջոյթը չափածոյ խօսքի կառուցուածքային անդամահատման ու շարահիւսական նիւթի համաչափ բաշխ-

ման միջոց է ծառայում եւ, որպէս արուեստաւոր խօսքի կառուցման ձեւ, արտայայտւում է տարաբնոյթ իրացումներով ապահովելով անհրաժեշտ յուզարտայայտչականութիւնն ու զգացական ներգործութիւնը:

ՀԱՍԱՈՏԱԳՐՈՒԹԻՒՆՆԵՐ

- ԱԻ - Ա. Իսահակեան, *Երկերի ժողովածու*, հ.հ. 1-4, Երեւան, 1973-1975:
- ԳԱԾ - Գ. Աշոտ, *Ծովաստղիկս*, Երեւան, 1982:
- ԳԱԳՍ - Գ. Աշոտ, *Գուսանի սէրը*, Երեւան, 1958:
- ԳՍԲԴ - Գ. Սարեան, *Բանաստեղծութիւններ եւ պոէմներ*, Երեւան, 1982:
- ԵԶ - Ե. Չարեան, *Երկերի ժողովածու*, հ. 1, Երեւան, 1962:
- ԵԶՊԲ - Ե. Չարեան, *Պոէմներ եւ բանաստեղծութիւններ*, Երեւան, 1984:
- ԴԴՎ - Դ. Դեմիրճեան, *Վարդանանք*, Երեւան, 1954:

- ՅԹԸԵ - Յովհ. Թումանեան, *Ընտիր երկեր*, Երեւան, 1978:
- ՅՇ - Յովհ. Ծիրազ, *Քնար Հայաստանի*, հ. 3, Երեւան, 1974:
- ՅՇՅՄ - Յովհ. Ծիրազ, *Յուշարձան մայրիկիս*, Երեւան, 1979:
- ՀՍ - Հ. Սահեան, *Երկերի ժողովածու*, հ. 2, Երեւան, 1984:
- ՀՍԴԾ - Հ. Սահեան, *Դաղձի ծաղիկ*, Երեւան, 1986:
- ՀՍՍԲ - Հ. Սահեան, *Սեզա՛մ, բացուիր*, Երեւան, 1972:
- ՀՍԶԵ - Հ. Սահեան, *Քարասիւնների երգը*, Երեւան, 1968:
- ՇՏ - Շիրիմ, *Տաղեր*, Երեւան, 1956:
- ՊՍ - Պ. Սեւակ, *Երկերի ժողովածու*, հ. հ. 1-4, Երեւան, 1972-1974:
- ՎԴԱՄ - Վ. Դաւթեան, *Անկէզ մորեմի*, Երեւան, 1972:
- ՎՏ - Վ. Տէրեան, *Երկերի ժողովածու*, հ. 2, Երեւան, 1961:
- ՎՏԲ - Վ. Տէրեան, *Բանաստեղծութիւններ*, Երեւան, 1985:

ՅԱԿՈՒԲ ԶԱՔԱՐԵԱՆԻ «ՊԱՏՄՈՒԹԻՒՆ ԳԱԻԱՌԻՆ ԱՐՑԱՆՈՒ» ԱՇՆԱՏՈՒԹԻՒՆԸ

Արտակ Սաղաւեան

Արցախի XVIII դարի երկրորդ կէսի եւ XIX դարի սկզբների պատմութիւնն արտացոլող սկզբնաղբիւրների շարքում կարեւոր տեղ է զբաղում Երուսաղէմի միաբան Յակոբ սարկաւազ Զաքարեան Շուշեցու «Պատմութիւն գաւառին Արցախու» պատմագրական երկը՝ գրուած «յամին 1853 ի սուրբ Երուսաղէմ»¹, որի ձեռագիրը պահպանւում է Երեւանի Մաշտոցի անուան Մատենադարանում (թիւ 2734)²:

Աշխատութեան հեղինակ Յակոբ Զաքարեանի մասին քիչ բան է յայտնի: Անյայտ է նաեւ նրա ծննդեան թուականը, սակայն հեղինակը նշում է, որ իր նկարագրած դէպքերից «յոյժ սակաւուցն ի յետին ժամանակի ակնատես լեալ»³: Այստեղից կարելի է ենթադրել, որ նա ծնուել է XIX դարի 10-ական թուականներին: Մկրտիչ եպս. Աղաւնունին իր «Միաբանք եւ այցելութիւն Հայ Երուսաղէմի» գրքում նրա մասին հաղորդում է կենսագրական ժլատ տեղեկութիւններ. «Յակոբ սրկ. Պողոսեան Զաքարեանց, Շուշեցի.- միաբան. 1860ին Ս. Յակոբի վանքին, կ'ընդօրինակէ «Անտառ այլաբանութեան» գիրքը»⁴: Յիշեալ

ձեռագիրը ներկայումս պահուում է Երուսաղէմի Ս. Յակոբեանց վանքի ձեռագրատանը 2680 թուահամարի տակ⁵: Ձեռագիրն ընդօրինակողի, ստացողի, գրչութեան տեղի եւ ժամանակի մասին հաղորդում է հետեւեալը. «Ընդօրինակեցաւ ձեռամբ Սրբոյ Աթոռոյս Երուսաղէմի նուաստ միաբան Շուշեցի Յակոբ Պողոսեան Զաքարեանց յետին սարկաւազի: Յամի Տեառն 1860, դեկ. 21, ի Սբ. Երուսաղէմ, ի կաթողիկոսութեան Բ. Մատթէոս սրբազանին եւ ի պատրիարքութեան Երուսաղէմի Տ. Յոհաննու: Ի վայելս Բագու[ե]ցի Խաչատուրեան Նաճառեանց Փիլիպպոս Վարդապետ շնորհափայլ Հօր իմոյ եւ աշխատաւոր միաբանի եւ Աստուածածին Կուսի լուսափայլ դամբարանին հաւատարիմ ծառայի եւ գլխովին տեսչի՝ մատուցանեմ եռանդազին սիրով, ակնկալեալ օժանդակութեան աղօթից եւ յիշմանց նորին սուրբ Հայրութեանն՝ այժմ եւ յաւէտ...»

Քանզի ի սկզբան ձեռնարկութեանս մերոյ ի սոյն, յերկրորդում աւուր, որ էր 22 դեկտեմբեր ամսոյ 1861 [1860] ամի՝ Սրբոյ Աթոռոյս մերոյ այցելու եւ պատրիարք Զմիւռնեցի Յոհաննէս արքեպիսկոպոս սրբազան Հոգեւոր Հայրն մեր զմահ ճաշակեալ եղաւ ի շիրիմս սրբոց...

Աւարտ մատենիս եղել է 25 յուլիս ամսոյս 1861 ամի, ի Սբ. Երուսաղէմ, յԱթոռ Սբ. Յակոբեանց»⁶:

1 Յակոբ սրկ. Զաքարեան, *Պատմութիւն գաւառին Արցախու*, ՄՄ, ձեռ. 2734, թ. 1ա
 2 Մատենադարանի ձեռագրացուցակում սոյն ձեռագիրը գերկայացուած է այսպէս. «1853 թ.: Երուսաղէմ: Գրիչ՝ հեղինակը: Թերթ՝ 32: Թուղթ: 29,8 x 19,8: Միասին: Ծղագիր: Տող՝ 33: Կազմ՝ ստուարաթուղթ: Յիշատակարան գրչի՝ 1ա, 14ա, հետագայի՝ 14ա»: (Ցուցակ ձեռագրաց Մաշտոցի անուան Մատենադարանի, հ. 1, Երեւան, 1965, էջ 864): Աւելացնենք, որ չգրուած են ձեռագրի 14բ եւ 22ա-բ թերթերը:
 3 Տե՛ս ՄՄ, ձեռ. 2734, թ. 23ա
 4 Մ. եպս. Աղաւնունի, *Միաբանք եւ այցելութիւն Երուսաղէմի*, Երուսաղէմ, 1929, էջ 326

5 Տե՛ս Ն. արքեպս. Պողարեան, *Մայր ցուցակ ձեռագրաց Սրբոց Յակոբեանց*, հ. 8, Երուսաղէմ, 1977, էջ 298-299
 6 Նոյն տեղում, էջ 299